



TE TIRA ĀRAI URUTĀ

NZ ROYAL COMMISSION COVID-19 LESSONS LEARNED

Auiliiliga Maualuga o Lesona Aoga COVID-19 – Tolaulauga Lautele

Ua folasia atu i le faamaumauga lenei se lipoti lata mai o Auiliiliga Maualuga o Lesona Aoga COVID-19 ma se aotelega o tolaulauga lautele na faia ia Iulai 2025.

Faatomuaga

O le a le Auiliiliga Maualuga o Lesona Aoga COVID-19?

Na faatonuina le Auiliiliga Maualuga o Lesona Aoga COVID-19 e le Malo o Niu Sila e toe iloilo ai tulaga na fetaiai ma tagata i Aotearoa Niu Sila mo le faaleleia atili o tapenapenaga e tali atu ai i faama'i pipisi i le lalolagi.

E faaaoga i le suesuega faamatalaga lautele ua mafai na maua, faamaoniga mai sui autu fai taupulega, ma faamatalaga mai tagata na aafia i tulaga na tali atu ai Aotearoa Niu Sila i le faama'i pipisi i le lalolagi e tusa ai ma le toe iloilo o tulaga na tali atu ai. O faamatalaga uma nei e faavae i ai fautuaga e tuuina atu i le Malo e tusa ma tapenapenaga ma tulaga e tali atu ai i isi faama'i pipisi i le lalolagi.

O le auga faavae na faia ai le Auiliiliga o le toe iloilo o vaega e taua i le mamalu o le atunuu. E tutoatasi le Auiliiliga mai le Malo.

E tele itu o galuega na faia i Aotearoa Niu Sila e tali atu ai i le COVID-19 i le 2023 ma le 2024 na toe iloilo i le Auiliiliga, ma e maua i le upegatafa'ilagi se lipoti mai lea taumafaiga <https://www.covid19lessons.royalcommission.nz/reports-lessons-learned/> (short URL: <https://tinyurl.com/2hbm88kw>). O le Vaega Muamua lea o le Auiliiliga.

O le faaiuga 2024, na talosagaina ai e le Malo le toe iloilo nisi o mataupu fou, ma toe vailiili loloto nisi o mataupu sa suesueina muamua. O le Vaega Lua lea o le Auiliiliga. E le gata i le suesueina o mataupu eseese, o le vaega tonu lea o le Auiliiliga o le a ese tomai faapitoa e faafoeina.

O mataupu nei e fua i ai le isi lipoti e maua i le aso 26 Fepuari 2026.

O a tonu mataupu o le a suesueina i le Auiliiliga?

O lo o suesueina i le Auiliiliga faaiuga autu na faia e le Malo o Niu Sila i le 2021 ma le 2022 e tusa ai ma mataupu nei:

- Tuipuiipui, e aofia ai poloaiga e faamallosia ai tuipuiipui, faamaoniga o le tuipuiipui COVID-19, ma le saogalemu o le tuipuiipui (e aofia ai faiga na mataitu ma le lipotia ai aafiaga mai tuipuiipui). O aafiaga e faaletonu ai na masalomia na mafua mai i le vailaau po o le tuipuiipui.
- O vavao, aemaise lava le vavao i le atunuu atoa i le faaiuga 2021 ma le vavao na faia i Aukilani ma Northland i le faaiuga 2021 e tau i le amataga 2022.
- Siaki, sailiga o ē na fesootai ma le tagata ua aafia, punaoa lautele tau soifua maloloina – e pei o le faiga o siaki RAT po o ufi fofoga.

E faamatalaina se faaiuga autu o se faaiuga na faia e le Malo na aafia ai se vaega toatele po o se faaletonu telē i se itumalo po o le atunuu atoa (po o nofoaga uma nei).

E toe iloilo i le Auiliiliga faaiuga autu a le Malo e patino i vaega nei ma saunia fautuaga i auala e faavae i ai faaiuga o le a faia mo le atunuu i vaitaimi e toe pipisi ai faama'i i le lalolagi, faapea foi se lautelega o tapenapenaga mo isi faama'i pipisi i le lalolagi.

O le a se telē o tulaga ua oo i ai le Auiliiliga?

Ua faagasolo i le Auiliiliga le lipoti lona lua, e faamae'a i le aso 26 Fepuari 2026.

O tulaga nei ua oo i ai le Auiliiliga:

- Ua mae'a na faamaopoopo manatu faaalua mai le mamalu o le atunuu. E 31,000 ma ona tupu tagata, lotoifale patino ma faalapopotoga na tuuina mai manatu i le Auiliiliga, e tusa ma tulaga na feagai ai ma le COVID-19 i Aotearoa Niu Sila.
- Sa feiloai ma sui o le malo, Minisita, ma isi na aafia i taupulega ma faaiuga autu i le vaitaimi o pipisi ai le faama'i i le lalolagi.
- Sa feiloai ma lotoifale patino, pisinisi, ma faalapopotoga mai Niu Sila atoa mo le fia malamalama i aafiaga o le faama'i pipisi i le lalolagi i lotoifale eseese.
- Sa faamaopoopo faamatalaga tusia mai matagaluega a le Malo ma isi paaga e faatatau i le faama'i pipisi i le lalolagi ma le tali atu a le Malo o Niu Sila.
- Sa faia feiloaiga lautele faalevaiaso e faaleo ai manatu o lotoifale patino, faalapopotoga, ma tomai faapitoa e tusa ai ma aafiaga o le faama'i pipisi i le lalolagi.

Tolaulauga faitele

Aisea na faia ai tolaulauga faitele?

Na faia i le Auiliiliga tolaulauga faitele e tuu avanoa ai i tagata ma vaega eseese e faailoa mai tulaga na aafia ai Aotearoa Niu Sila i le faama'i pipisi i le lalolagi.

Na avea foi tolaulauga ma avanoa e faailoa atu ai i le mamalu o le atunuu ituaiga faamatalaga o faamaopoopo i le Auiliiliga e patino i aafiaga o le faama'i COVID-19 i Niu Sila.

Sa faia tolaulauga o le Auiliiliga i Tāmaki Makaurau Aukilani. Na faatonuina le auiliili o aafiaga o le vavao i Tāmaki Makaurau Aukilani ma Te Tai Tokerau Northland mo le fia malamalama i manatu eseese o le atunuu o alala i itumalo nei.

O a tonu tulaga na faia i tolaulauga faitele?

Na avea tolaulauga faitele ma avanoa e faailoa mai ai e faalapopotoga, lotoifale patino, ma tomai faapitoa manatu i le COVID-19 ma le faatinoga o galuega a le Malo e tali atu ai i le faama'i pipisi i le lalolagi i Niu Sila lava.

Na patino fesili i molimau na auai i tulaga na fetaiai ma i latou i le vaitaimi o pipisi ai le COVID-19 i Niu Sila. Na maoti lava le fesili i tulaga saogalemu o le tuipuiipui, poloaiga e faamalositia ai tuipuiipui, ma vavao.

Na talosagaina i le Auiliiliga nisi o sui e faailoa tulaga ma manatu eseese i mataupu na faaautu i ai le tolaulauga.

E maua le lisi atoa o tagata na saunoa i le tolaulauga, faapea faatalanoaga taitasi, i le: <https://www.covid19lessons.royalcommission.nz/the-inquiry/public-hearings/public-hearings-session-one-perspectives-on-the-pandemic> (short URL: <https://tinyurl.com/2snbfm45>).

Tolaulauga faitele: Aso muamua

Manatu faaaliga mai Fai Pisinisi Tāmaki Makaurau Aukilani

Sa saunoa ai sui o le Heart of the City, Employers and Manufacturers Association, ma le Whāriki Business Network.

O le Heart of the City o se asosi mo pisinisi mo le taulaga o Aukilani. E lagolagoina e le asosi le faamanuiaina o tulaga tau pisinisi i le taulaga autu o Aukilani.

O le Employers and Manufacturers Association le asosi pisinisi pito telē i Niu Sila, o lagolagoina le manuia o taumafaiga a pisinisi i le atunuu atoa.

O le Whāriki Business Network e lagolagoina pisinisi ma tomai faafaigaluega tau Māori i Aotearoa Niu Sila atoa.

O itu nei na faasoa mai ai i le Auiliiliga:

- Na matuai pagatia le tamaoaiga mo fai pisinisi ina ua toe faaopoopo le vavao i Aukilani i le 2021 ma o pisinisi lava nei sa pagatia tele a o pipisi le faama'i i le lalolagi. E ui i se faamāmā avega a le Malo e totogi ai se vaega o tupe maua a le aufaigaluega, e le i taofia ai aafiaga o le faama'i e oo mai lava i le 2025.
- E le i faigofie i pisinisi le puleaina ma le faatinoina o poloaiga a le Malo, na aliaie ai ma luitau na afaina ai aufaigaluega ma tagata faatau.

- O le fesuisuiai o feau ma faamatalaga sese ua tupu ai ma le fenumiai ma tulaga faigata, e ui lava sa aogā le laina telefoni faapitoa na saunia e le Ministry for Business, Innovation and Employment.
- Na faateteleina faaletonu i pisinisi ma tagata o alala ma galulue i le taulaga autu o Aukilani, mai tagata nonofo solo ua leai ni aiga. Atonu na mafai na maua se fesoasoani pe ana toatele Leoleo ma auaunaga tau soifua maloloina i taumafaiga e toe faafoisia ai tulaga lelei.
- E ui foi i fesoasoani tetele na maua e tagata Māori, e le i faamalieina ai pisinisi Māori. Peitai, sa iai le agaga fetausiai ma le felagolagomai i le va o pisinisi.
- Na faateteleina uiga faailoga lanu a o pipisi le faama'i i le lalolagi.

O fautuaga nei, na faailoa mai e pisinisi mo tapenapenaga e tali atu ai i isi faama'i pipisi i le lalolagi:

- fai se sao o pisinisi i le amataga mai o tapenapenaga i se faama'i pipisi i le lalolagi.
- faatumauina sootaga na atiae e pisinisi, matagaluega a le Malo, ma lotoifale patino i le vaitaimi na pipisi ai le faama'i i le lalolagi e faatuputeleina ai le galulue faatasi.
- saunia lagolagosua patino ma faiga e tali atu ai i faama'i pipisi i le lalolagi mo nofoaga e ese tulaga o moomia.
- saunia faamatalaga manino ma maua gofie e fetaui tonu ma lotoifale eseese.

Manatu faaalua mai Fai Pisinisi Te Tai Tokerau Northland Business Community

Na maua le avanoa e faasoa mai ai le NorthChamber.

O le NorthChamber o sui o le Northland Chamber of Commerce, e lagolagosua malosia ma fesoasoani i le tau atinaega o pisinisi i Te Tai Tokerau Northland.

O itu nei na faasoa mai ai i le Auiliiliga:

- E le i lava fesoasoani tupe mai le Malo e totogi ai tupe faaalu uma tau pisinisi, aemaise i le vaitaimi o vavao.
- Na faaalua le lē fiafia i poloaiga a le Malo e faamalosia tuipuipeiseai e le i faatuatuaina fai pisinisi e vaavaaia ma puleaina tulaga o le faama'i pipisi i le lalolagi.
- Na lagona le lē amanaiaina o pisinisi e sui fai taupulega a le Malo, talu ai le faigata na faatino o mau faaiuga na faia e le Malo.
- Na tulaga ese luitau na fetaiai ma pisinisi ona o le toe faaopoopo o le umi o vavao i Aukilani, na motu ese ai lava Northland mai le atunuu atoa.
- E tau mai lava i le taimi nei le pagatia pea o pisinisi i aafiaga o le faama'i pipisi i le lalolagi.

O fautuaga nei, na faailoa mai mo tapenapenaga e tali atu ai i isi faama'i pipisi i le lalolagi:

- galulue soosoo tauau ma itumalo eseese ia fetaui ma talafeagai taupulega o se faama'i pipisi i le lalolagi ma le itumalo, po o le saili auala e mafai i itumalo eseese na mulimulitai ai i fautuaga faitele faalesoifua maloloina e aunoa ma le tapunia o pisinisi.
- fesootai ma tagata na i lo le faamalosia o tagata uma e usitaia se poloaiga.

- faamaopoopo manatu mai vaega faalotoifale i tulaga o patino i ai le aoga o faaiuga a le Malo.

Manatu faaalua mai pisinisi i totonu o Waikato ma Waitaha Canterbury

Na maua le avanoa e faaali mai ai manatu mai le New Zealand National Fieldays Society ma le Willowbank Wildlife Reserve.

O le New Zealand National Fieldays Society o se faalapotopotoga mo le manuia o tagata lautele ma e lagolagoina le laasia o tulaga maoae i alamanuia tau faatoaga i Aotearoa Niu Sila.

O le Willowbank Wildlife Reserve o le nofoaga tele mo meaola taalua i Ōtautahi Christchurch ma e faatinoa foi suesuega i meaola taalua ma polokalame faasao.

O itu nei na faasoa mai ai i le Auiliiliga:

- Na avea le tolopo po o le faaleaoga o faatasiga na aliae ai faaletonu tau tupe i sui o faamaopoopo faatasiga tetele.
- O le fesui ai soo o tulafono faama'i pipisi i le lalolagi na mafua ai le femoumouai o sui fai taupulega.
- Na faigata i sui o faamaopoopo faatasiga ona o le lē fetui o poloaiga ma tulaga e patino i faatasiga tetele.
- Na matuai pagatia pisinisi e pei o le Willowbank i le oge o auaunaga tau turisi, na matuai afaina tele ai pisinisi mo tagata tafafao i le vavao na faia i Aukilani.

O fautuaga nei, na faailoa mai mo tapenapenaga e tali atu ai i isi faama'i pipisi i le lalolagi:

- E tataui i taupulega a le Malo mo le saunia o tulafono na aafia ai tulaga maoti tau alamanuia eseese o moomia.
- saunia alafua manino toe ogatusa mo le faaauauina o fefaatauaiga pe a tatala se vavao.
- faamatuu atu le pule faitalia i tagata faatau ma sui o faalauiloa oloa pe faaauau se faatasiga tele pe leai.

Tolaulauga faitele: Aso Iona lua

Manatu faaalua i aafiaga o vavao i le itu tau agafesootai

Na maua le avanoa e faailoa mai ai manatu mai le Care and Responsibility Under Lockdown (CARUL) Research Collective.

O le CARUL o se faalapotopotoga faavaomalo tau tomui faasaaienisi agafesootai e suesueina faiga o tali atu ai matātā i luitau eseese o le COVID-19 na aafia ai ma faaauau ai lava na aafia ai.

O itu nei na faasoa mai ai i le Auiliiliga:

- Na faailoa mai i suesuega na latou faatautaia le lagolagoina e tagata o vavao i le amataga mai o le faama'i pipisi i le lalolagi, ae na faasolo ina fiu ai foi ma tagata i le tapulaa o feoaiga ma gaioiga i lea vaitaimi.

- Na matuai lagolagoina malosi vavao i luga o le malamalama i le itu tau puipuga mo tagata e lamatia gofie ma le taofiofi o le siama.
- Na lagolagoina foi e tagata vavao e tusa ma tulaga na moomia ai, ae e le i lagolagoina le faamalosia e usitaia.
- Sa faaali le lē fiafia o nisi i le aafia ai fua i vavao mo le puipua o tagata e le i faia tuipui.
- Na sili atu na moomia e nisi le lagolagosua i tulaga maloloina o le mafaufau ona o tulaga faapopolevale na aafia ai.
- Na moomia le faapoopo o fesoasoani tau tupe ma avanoa e tele e maua ai auaunaga.

O fautuaga nei, na faailoa mai mo tapenapenaga e tali atu ai i nisi faama'i pipisi i le lalolagi:

- Sa tatau i taiala faavae a le Malo na fua i ai vavao na iloilo tulaga eseese o soifua ma ola ai tagata.
- faateleina ma faaleleia auaunaga i le itu tau agafesootai, lagolagosua i tulaga maloloina o le mafaufau, ma fesoasoani tau tupe a o faagasolo se vavao ma tua atu pe a tatala.
- mautinoa o iloa muamua e Leoleo tulafono o vavao a o le i iloa e isi (e vaai maua ai tagata i Leoleo) ma faamautinoa le silafia atoatoa o pulega faalotoifale o tulafono o vavao e faafaigofie ai na faamalamalama i tagata mafuaaga e tatau ai na usitaia.
- faamautinoa avanoa e faaleo ai manatu eseese mo le malamalama atoatoa o ē fai taupulega ma fesoasoani atu i taumafaiga e maua ai le toafilemu ma le mautu o sootaga.

Manatu faaalua o tagata e iai manaoga faapitoa, aiga ma tagata tausi

Sa maua le avanoa e faasoa mai ai sui o le Auckland Council Disability Advisory Group, Disability Connect, Complex Care Group, Kaikaranga, ma Te Roopu Waiora.

E faaoga e le Auckland Council Disability Advisory Group le malamalama i tulaga faapenei e faailoa ai faaletonu o faataua i tagata e iai manaoga faapitoa ma avatu ai se fautuaga i le Pulega. O le Sui Taitaifono sa fai ma sui o le pulega e faasoa mai i tulaga na aafia tonu ai.

E fesoasoani le Disability Connect e faasino tagata e iai manaoga faapitoa po o sui o aiga ia malamalama i matātā tau manaoga faapitoa i Niu Sila.

E saunia e le Complex Care Group lagolagosua ma faamatalaga mo tagata tausi i ē maua ai ma faigata tele manaoga.

E galulue faatasi Kaikaranga ma tagata e iai manaoga faapitoa ma aiga ia maua le lagolagosua ma se soifuaga e fetui tonu ma tulaga o mananao i ai.

O le Te Roopu Waiora o se faalapotopotoga Māori ma e pulea e aiga Māori e lē atoatoa foi le malosi faaletino, malamalama ma le tomā, e saunia faamatalaga, fautuaga, ma lagolagosua mo latou tagata.

O itu nei na faasoa mai ai i le Auiliiliga:

- Na matuai vala i sini le lagolagosua ma faamatalaga na maua e tagata e iai manaoga faapitoa. Na faailoa mai faataitaiga e pei o avanoa e maua ai se mapusaga o tagata tausī ma aoaoga e fetāui ma manaoga o tamaiti aoga e iai manaoga faapitoa.
- Na fai fua faiga e puipuia ai (e pei o le faaaoaga o totinilima fufulu ipu e fai ma PPE).
- E le i talafeagai fesootaiga mai le Malo, pe a fua i faaupuga e pei o le ‘bubble’ – sa faamatala ai tagata o faanofoesea faatasi i vaitaimi o vavao – na aliaie ai faaletonu ma le faigata o faiga e maua ai faamatalaga.
- Na tele avanoa na misi e Whaikaha Māori (tagata Māori e iai manaoga faapitoa) talu ai le lē talafeagai o auauaoga ma tagata Māori e iai manaoga faapitoa.
- Na foliga mai na aunoa ma le fefaasoaai o matagaluega a le Malo i tulaga sa tataui ai.
- Na avea ufi fofoga ma faaletonu i fesootaiga mo tagata logonoa o maitau laugutu e iloa ai faaupuga ma tautalaga.
- Na matuai ila tagata tausī i le taofiofi i nofoaga o ‘faanofoesea faatasi’ ai ma le atuatuvaile o tagata e iai manaoga faapitoa pe a sui le aufaigaluega ona o tulaga lamatia e pipisi ai le siama. Sa toalaite le aufaigaluega tausī talafeagai, na toe tua ai i aiga ma lotoifale patino e faia le tausiga.
- Na matuai maua tulaga faapopoleina ma le atuatuvaile o tagata e iai manaoga faapitoa.
- Ua milo faatasi mau manatu eseese i tuipuii – na popole isi i le faateteleina o faaletonu pe a fai tuipuii, ae na talia atoatoa e i latou e vaivai puipuga malosi o le tino.
- Na umi se vaitaimi na aafia ai aiga – e pei o le faateteleina o faaletonu i tulaga maloloina o le mafaufau – talu ai le pagatia o le mafaufau i le faama’i pipisi i le lalolagi.

O fautuaga nei, na faailoa mai mo tapenapenaga e tali atu ai i isi faama’i pipisi i le lalolagi:

- faamautinoa le auai o tagata e iai manaoga faapitoa i le atinaega o fuafuaga ma taupulega, ae lē na o le faalālā i ai o faiga e gafatia ai se faafitauli.
- faamautinoa le faigofie ma le fetāui o auala o fesootai ai ma tagata e iai manaoga faapitoa.
- atiae se taiala faataatia e patino mo tagata Māori e iai manaoga faapitoa

Manatu faaalii mai matātā tausiga lautele

Na maua le avanoa e faasoa mai ai sui o le General Practice New Zealand, General Practice Owners Association, ma le Hauora Taiwhenua Rural Health Network.

O le General Practice New Zealand o se faalapopotoga aoao mo sui lesitala o saunia taitaiga, lagolagosua malosi ma uluai tausiga.

O le General Practice Owners Association e fai ma sui o pule mai matātā tausiga lautele faalesoifua maloloina ma saunia lagolagosua malosi mo sui o le asosi i le Malo.

O le Hauora Taiwhenua Rural Health Network o se faalapopotoga o sui eseese tuufaatasi e lagolagosua malosi mo le soifua maloloina ma le soifua manuia o Tagatanuu Niu Sila o aumau i nofoaga maouta.

O itu nei na faasoa mai ai i le Auiliiliga:

- Sa talafeagai vavao sa faia i le amataga, na gafatia e matātā tausiga lautele faalesoifua maloloina le fetuunai o galuega ia aua ne'i motu le tausiga o fai. E ui i nei taumafaiga, e le i atoatoa le faatinoga o auaunaga masani e pei o uluai siaki e faamaonia ai se faaletonu.
- Sa iai le manatu maua luga i foma'i tau tausiga lautele i le telē o so latou sao i le faiga o tuipuipui COVID-19, ona o tulaga nei ua masani ai i le faiga o isi tuipuipui.
- Na faaalu le malosi ma le taimi e faasa'o ai faamatalaga sese ma o se faaletonu o molimauina pea. Mo se faataitaiga, i le taimi nei ua sili atu na tolaaiti tamaiti o fai tuipuipui.
- E le i faigofie le faatinoga o poloaiga e faamalosi ai tuipuipui, ma o se tulaga na lagolagoina e foma'i tau tausiga lautele i luga o le talitonuga o se mea lelei mo tagata uma.
- I le taimi nei o lo o vaaia pea e foma'i tau tausiga lautele faaletonu e pei o le faaumiumi na aafia i le COVID, faateteleina le atuatuva'e, ma le lē mautu o tulaga tau seleni.

O fautuaga nei, na faailoa mai mo tapenapenaga e tali atu ai i isi faama'i pipisi i le lalolagi:

- Ia malamalama lelei le Malo i matafaioi tau tausiga lautele latou te saunia ma fai ai tuipuipui.
- Ia mamafa i taupulega faamatalaga sese o faasalalau i fesootaiga televavave ma saunia punaoa e tineia ai faamatalaga sese.
- faaoga tagata faatuatuaina, e patino i nisi o auaunaga faalesoifua maloloina po o iwi, e fesoasoani i le faagasologa lelei o le faiga o tuipuipui mo tagata.
- mafau fau totoa i le faatulagana o aiaiga e poloaia ai le faiga o tuipuipui ma ia maoti lelei tulaga nei i le lumanai.

Manatu na faaalua mai e tagata matutua ua loa le soifua

Na maua le avanoa e faasoa mai ai le He Manaakitanga Kaumātua Aotearoa – Age Concern New Zealand and Grey Power New Zealand Federation.

O le He Manaakitanga Kaumātua Aotearoa – Age Concern New Zealand o se faalapotopotoga faameaalofa mo ē ua 65 ma ona tupu tausaga le matutua, uo ma aiga. E saunia faamatalaga faapitoa ma auaunaga mo tagata matutua ua loa le soifua.

O le Grey Power New Zealand Federation e faatupuina, lagolagoina ma puipuia tulaga manuia o tagata matutua ua loa le soifua.

O itu nei na faasoa mai ai i le Auiliiliga:

- Na faapopoleina le toatele o tagata matutua i le COVID-19, ae na talia le faaoga o avanoa fou e pei o faatauga faainitaneti po o le faaali o meataalo i faamalama e faamatamata i ai tamaiti o feoi ifo.
- Na usitaia tulafono e le toatele o tagata matutua ona o aafiaga sa maua ai foi i faama'i o le polio ma isi.
- Na sili atu na faigata mo tagata matutua e lē masani ai i fesootaiga faainitaneti e maua ai auaunaga po o le tausisia o tulaga faatonuina e pei o pepa faamaonia tuipuipui.

- Na faigata tele vavao mo tagata matutua o tuuatoatasi ae na faigata atu le vavao lona lua.
- Na toatele sui galulue tauofo mo le Age Concern e le i toe foi i galuega ona o le poloaiga e faamalosia ai tuipui.

O fautuaga nei, na faailoa mai mo tapenapenaga e tali atu ai i isi faama'i pipisi i le lalolagi:

- ia malamalama e lē o tagata uma e iloa faaaoga faiga faainitaneti, ma e ono faateteleina lea faaletonu i vaitaimi tonu o tupu ai se mala.
- faaaoga faalapopotoga o maua ma faamatuu i ai le fesoasoani tupe o moomia e lagolagoina ai tagata i vaitaimi o se faama'i pipisi i le lalolagi.
- fai fua siaki o le RAT e tau faatoafilemu ai le popolevale o tagata matutua.

Manatu faaalua mai tagata Pasifika

Na maua le avanoa e faasoa mai ai sui o le Pasifika Futures.

E galulue faatasi le Pasifika Futures mai isi auaunaga e saunia lagolagosua mo aiga Pasifika i tulaga tau soifua maloloina, fale, aoaoga, aoaoga tau tomali ma atinae tau tamaoaiga.

O itu nei na faasoa mai ai i le Auiliiliga:

- Na aoga faiga ma faamaumauga o taofia e le Pasifika Futures e lagolagoina ai galuega a le Malo e tali atu ai le COVID-19.
- Na telē le afaina o aoaoga a tamaiti aoga Pasifika i vavao, ma na aunoa ma se faatatau a le Malo na faia i ai. O le tele o tamaiti aoga Pasifika e leai ni masini faatekonolosi ma e le i mafai na faataunuu aoaoga mai le fale. Ua afaina ai se vaega tele o le olaga aoga ma avanoa tau aoaoga.
- Na moomia e tagata Pasifika le fesoasoani i le itu tau meaai, tupe totogi mo fale mautotogi, tau saili o se fesoasoani mai le pulega o maua ai penefiti, auaunaga mo fanau laiti ma auaunaga e vaaia fagafao.
- E masani ai le taasisia e tagata Pasifika o tulafono a le malo, e aofia ai poloaiga e faamalosia ai tuipui.
- Na sili atu na pagatia tagata Pasifika i le COVID-19 faatusa i isi. O le isi itu na mafua ai lea tulaga ona o faaletonu o feagai ai pea ma tagata i le itu tau agafesootai, tamaoaiga ma le soifua maloloina.
- Na aafia i faiga faailoga lanu, faasinoinolima ma le faailoga tagata, ua afaina ai le mafaufau, ma mumusu ai e saili se fesoasoani.
- E le i lava le afaigaluega e tautatala i gagana Pasifika pe a faafesootai le Healthline, na faafaigata ai fesootaiga mo tagata Pasifika e lē lelei le Faa-Peretania ma e le o masani i faiga faavae a le Malo.
- Sa iai se talitonuga i le lē amanaia ma le lē faafetaia o galuega a tagata Pasifika sa galulue i le vaaiga o le tuaoli o le atunuu, falemai ma faletalimalo sa faanofoesea ai tagata.
- O se mitamitaga i tagata Pasifika le tali mai o auaunaga Faa-Pasifika.

O fautuaga nei, na faailoa mai mo tapenapenaga e tali atu ai i isi faama'i pipisi i le lalolagi:

- fai se faatatau e tali atu ai faaletonu o feagai ma tagata Pasifika i le itu tau agafesootai, aoaoga ma le soifua maloloina.
- faaoga taitai Pasifika faatuatuaina e faailoa feau ma lapataiga mo le tausisia o le saogalemu mai faama'i pipisi i le lalolagi ma saunia taupulega talafeagai mo tagata Pasifika.
- lagolagoina tagata faigaluega Pasifika o moomia i galuega e vaaia le tuaoi, falemai ma faletalimalo.

Tolaulauga faitele: Aso lona tolu

Manatu faaalua mai tagata Aukilani

Na maua le avanoa e faasoa mai ai le CNSST Foundation, Falelalaga Village Ltd, ma le Ekalesia Faapotopotoga Kerisiano Samoa i Mangere East.

O le CNSST Foundation e maua ai lagolagosua ma auaunaga mo tagata Asia fai mai ma tagata Niu Sila o tau faamautu le nonofo ai i le atunuu, aoaoga, fale ma isi.

O le Falelalaga Ltd e lagolagoina fesootaiga o tagata Samoa i talaaga, aganuu, tupuaga ma le faasinomaga.

O le Ekalesia Faapotopotoga Kerisiano Samoa i Mangere East o se aulotu toatele sa lagolagoina tagata Samoa ma le loaloa o tagata Pasifika i le vaitaimi o pipisi ai le COVID-19 i le lalolagi.

O itu nei na faasoa mai ai i le Auiliiliga:

- Na faaletonu le maua o faamatalaga mo tagata Pasifika, ma atili ai le telē o le faaletonu ona o faamatalaga sese ma le lē maua o faamatalaga faaliliu i isi gagana.
- Sa faafaigata foi i tagata Pasifika le faanofoesea, ona e lē masani ai le nonofo eseese ma aiga.
- Sa galulue faatasi tagata Asia ma tagata Pasifika e atiae punaoa mo i latou lava ma faatino galuega e tali atu ai i le faama'i pipisi na i lo le faatalitali i le Malo mo se fesoasoani.
- O le toatele o tagata Asia ma tagata Pasifika na usitaia tulafono a le Malo i le faiga o tuipuipei, e ui i tulaga lē mautonu na aliae mai ai. Na manatu nisi i le faapele o tagata e fai tuipuipei e maua ai pusa meaa ma o se tulaga lē mamalu.
- E le i faigofie mo tamaiti aoga mai aiga limavaivai na faaauau aoaoga ona e leai se initaneti po o masini faatekonolosi e fai ai meaaoga i luga o le initaneti.
- Na iai se talitonuga ua masani i tulaga o le faama'i i le 2020 e mafai ai na lavatia le faama'i i le 2021.

O fautuaga nei, na faailoa mai mo tapenapenaga e tali atu ai i isi faama'i pipisi i le lalolagi:

- faamautinoa le maua e tagata uma o fesootaiga mai le Malo ma le lava tapenapena o tagata i suiga e tataua na faataunuu e tali atu ai i se faama'i pipisi i le lalolagi.

- fai se fuafuaga mo tulaga e faalavelavea ai aoaoga e mafua mai faama'i pipisi i le lalolagi, e aafia ai lagolagosua mo faiaoga ma faamautinoa le maua e tamaiti o masini faatekonolosi ma le initaneti.
- iloilo tulaga e aafia ai tulaga tau agafesootai, faalogona ma le itu faaleagaga ona o tulafono mo faama'i pipisi i le lalolagi pe a faatino galuega e tali atu ai i faama'i faapenei.
- e sili ai le fesoasoani i tagata ia siitia le malamalama i tuipuii ma taumafai faatasi ma taitai e fai taupulega mautu ma le atoatoa, na i lo le faapele o tagata i se tau e fai ai tuipuii.

Manatu faaalua mai e le Te Kaunihera o Tāmaki Makaurau – Auckland Council

Na maua le avanoa e faasoa mai ai Te Kaunihera o Tāmaki Makaurau – Auckland Council.

O le Te Kaunihera o Tāmaki Makaurau – Auckland Council o se pulega faalotoifale mo le itumalo Tāmaki Makaurau Aukilani. E nafa ma le saunia o auaunaga mo le itumalo Aukilani.

O itu nei na faasoa mai ai i le Aukilani:

- Na taua le faaoga o faiga ma auala eseese e fesoootai ai ma lotoifale eseese.
- Ua avea aafia faaumiumi i le itu tau agafesootai ma le tamoaiga ma 'faiga fou masani.'
- Na iai se vaega tele o lagolagosua na latou faatino e tau faatali ai se fesoasoani mai le Malo, ma e le i faigofie.
- Na aliaa ma isi faaletonu a o toso ai lava le vavao. Na aafia i faaletonu nei le moomia ona sui o tulaga faaigaaluega mo le auaigaaluega sili ona moomia talu ai le moomia ma le taua tele o galuega na latou faatino, e pei o masini sa lelei lava i le vaitaimi puupuu na fai ai le vavao faatino i le vaitaimi umi na vavao ai, po o nai matua ua fiu e taofiofi tamaiti o fia tafafao i malaetaalo mo tamaiti.
- Na pagatia auaigaaluega i uiga faasoesa a o taumafai e faamalosi tulafono a le Malo. E le i faigofie i le auaigaaluega a le pulega faalotoifale le tau eseese o tagata e le i faia tuipuii, e ui i auala sa taumafai ai e tau aafia tagata uma.
- Na iloga foi le mautu ma le malosi o fesoootaiga, i le va o le Pulega ma tagata Māori ma tagata Pasifika, talu mai le vaitaimi na galulue faatasi ai a o pipisi le faama'i i le lalolagi.

O fautuaga nei, na faailoa mai mo tapenapenaga e tali atu ai i isi faama'i pipisi i le lalolagi:

- atiaa ma faatamauina sootaga lelei ma tagata.
- faamautinoa faiga o atiaa ai taupulega ma fuafuaga e iloa tonu ai gaioiga e fai pe a umi le taimi faatulagaina o vavao.
- iloilo tulaga e faalauaitele ai le pule a le Pulega Faalotoifale e tusa ai ma tulafono faatonutonu o aafia ai faama'i pipisi i le lalolagi.

Manatu faaalua mai auaunaga Māori tau soifua maloloina ma agafesootai

Na maua le avanoa e faasoa mai ai sui o le Te Whānau o Waipareira ma Tamaki ki Te Tonga District Māori Council.

E saunia e le Te Whānau o Waipareira auaunaga ma fesoasoani tau soifua maloloina, tulafono, fale ma aoaoga mo soo se isi lava mai Aukilani Sisifo.

O le Tamaki ki Te Tonga District Māori Council o le New Zealand Māori Council a le itumalo Aukilani i Saute. E lagolagoina e le Pulega le tau atiae o tagata Māori ma le atinaega o taiala faavae.

O itu nei na faasoa mai ai i le Auiliiliga:

- Na atili mou ese atu le faatuatuaina e tagata Māori o le Malo ona o vavao na fai, na mafua ai faaletonu i le itu tau lagolagosua ma le toatele o tagata Māori na taofia i le falemai. E le i taitai lava fesoasoani tupe mo aiga Māori.
- Ua avea vavao ma tulaga na afaina ai le saogalemu ona o sauaga i totonu o aiga ma ua taofi ai le sailia e tagata o auaunaga taua mo le soifua maloloina, ma tuai ai na faamaonia faama'i ua afaina ai ma tausiga o moomia.
- Sa faigata tulaga na sui ai le tele o galuega i faiga faainitaneti ona o le toatele o aiga Māori e leai ni tekonoosi ma tomai faainitaneti.
- Na iai le talitonuga i le solia e tulafono tuiipui o le pule tutoatasi a tagata Māori ma taualuga ai i le faamavae o tagata Māori i galuega. O le faatulafonoina o gaioiga na mafua ai solo tetee ma le faatautava o auaunaga.
- O le faatulagaina o le faiga o tuiipui i tausaga na afaina ai tagata Māori talu ai le toatele o tagata laiti ifo le matutua e sili atu na faaletonu tulaga tau soifua maloloina. Na atili faigata tulaga uma nei ona e le i lava aoaoga e faamalamalama ai poloaiga ma le leai o se lagolagosua mai nisi o taitai faalotoifale.
- Na pito aoga fesoasoani mai faiga faapaaga malosi ma Pulega Faalotoifale ma le maua o vaifofo e patino i aiga Māori, na taimua ai tagata o le lotoifale lava, toe talafeagai ma tulaga ua masani ai. Na manino lava le moomia o le auai o tagata Māori i taupulega a tomai faapitoa ma le faamalosi atili o faiga faavae o faia nei e maua ai lagolagosua.

O fautuaga nei, na faailoa mai mo tapenapenaga e tali atu ai i isi faama'i pipisi i le lalolagi:

- auai vaega faalotoifale i taupulega mo faama'i pipisi i le lalolagi, ia pito toatele ai sui o tagata moni o le eleeele ma tagata e lamatia gofie, i le atinaega o vaifofo aoga ma le faatuatuaina.
- fai se faatautu i faiga lē tutusa faainitaneti pe a faataunuu auaunaga i le initaneti e auala atu i le saunia o faiga e maua ai le initaneti, masini faatekonosi ma lagolagosua e mafai ai na faaoga faiga faainitaneti.
- saunia polokalame faalauiloa mo tuiipui ia fetui ma talafeagai ma tulaga ua masani ai tagata, ma faamuamua tagata sili ona moomia le fesoasoani faapena le galulue faatasi ma taitai faatuatuaina.
- puipui aiga sili ona lamatia gofie i vaitaimi o sasao ai faama'i pipisi i le lalolagi e auala atu i le faia o se fuafuaga mo tulaga lamatia mai sauaga i totonu o aiga ma faamautinoa le maua pea o auaunaga tau soifua maloloina.

Manatu faaalua mai matātā tau aoaoga

Na maua le avanoa e faasoa mai ai sui o le Ngā Tumuaki o Aotearoa – New Zealand Principals' Federation ma Kaitaia College.

E lagolagosua le Ngā Tumuaki o Aotearoa – New Zealand Principals' Federation mo le 2,000 ma ona tupu puleaoga i Aotearoa Niu Sila.

Toeitiiti tau le 1,000 o tamaiti aoga o aooga i Kaitaia College i Kaitaia, Te Tai Tokerau Northland. O le aoga pito umi na tausisia tulaga faasaina o vavao faatasi ma le itumalo aoao Northland.

O itu nei na faasoa mai ai i le Auiliiliga:

- O le toatele o tamaiti aoga, aemaise i latou mai nofoaga maouta ma aiga limavaivai, e leai ni komepiuta ma e lē o taimi uma foi e maua ai le initaneti, ae tele na faaoga telefoni a matua ma fesootaiga televavave. Na faigata i aoga na fesootai ma isi tamaiti aoga a o tausisia vavao.
- Na pito pagatia tamaiti aoga e malamalama gatā i aoaoga, e iai manaoga faapitoa, po o tulaga ese o le mafaufau. Na tele na lē auai i aoga talu ai le leai o se lagolagosua patino ma le lē auai tino o faiaoga faapitoa mo se fesoasoani.
- Na lofituina faiaoga i le tau faapaleni o manaoga tau lotoifale faaleaiga faatasi ma le faiga o aoaoga i le initaneti, na taua luga ai i le matuā leai ma se malosi na totoe. Na matuai faateteleina le saputu o mea na faavevesi ai le mafaufau.
- Na lagolagoina e le Principals' Federation poloaiga e fai ai tuipupui a faiaoga i luga o le tausisia o le saogalemu o tamaiti aoga. Peitai, o se tulaga na vaeluaina ai le aufaigaluega ma faamavae atu ai ma isi mai le galuega. E oo mai i le taimi nei e iai nisi o moomia le toe faafoisia o le malosi mai tulaga na aafia ai.
- E le i faigofie i matua le toe foi o tamaiti i aoga e ui lava ua tatala vavao.
- Na avea puleaoga ma taitai autu i le vaitaimi o vavao, mo tulaga tau tausiga ma fesootaiga. Na saunia foi e aoga lagolagosua e lavatia ai luitau o feagai ma tagata o alala i Northland. E le o se galuega laitiiti ma na moomia le sogasoga e faaauau ai le maua pea e tagata o le fesoasoani, talu ai luitau o le vavao na afaina ai tagata o alala i nofoaga pito maouta i Northland.
- O lo o molimauiina pea i le taimi nei le faigata o taumafaiga a tamaiti aoga e lē atoatoa le malosi faatasi ma luitau o afaina ai le mafaufau.

O fautuaga nei, na faailoa mai mo tapenapenaga e tali atu ai i isi faama'i pipisi i le lalolagi:

- faamautinoa le maua o le initaneti ma masini faatekonolosi mo tamaiti aoga uma, aemaise lava ia i latou mai nofoaga o faafaigata tulaga o soifua ma ola ai.
- faamautinoa le maua e tamaiti aoga e iai manaoga faapitoa le lagolagosua o moomia e auai ai i aoaoga.
- fai se sao a puleaoga i le fuafuaina o taupulega e tali atu ai i faama'i pipisi i le lalolagi talu ai le telē o lo latou sao i le aoga ma tagata lautele, ma le tau taofi o faamatalaga sese na faia ma le mautinoa.
- faamautinoa le manino ma le faigofie na faatino taiala mai le Malo pe a tupu se mala.
- e tatau na aofia i poloaiga le soifua manuia o le aufaigaluega faapea foi auala silisili e faatumauiina ai le maopoopo o le aufaigaluega.

Manatu faaalua mai tupulaga talavou

Na maua le avanoa e faasoa mai ai tupulaga talavou mai Te Tai Tokerau Northland ma Tāmaki Makaurau Aukilani.

O itu nei na faasoa mai ai i le Auiliiliga:

- O se tulaga tataua ai le faia o vavao, ae o se tulaga matuā faigata tele mo tupulaga. Na lē maua ai fesootaiga masani faapea aoaoga.
- Na matuai lē fiafia tagata i tulaga faatonuina na pulea ai le faama'i pipisi i le lalolagi, aemaise lava i ufi fofoga ma le fai o tuipuiipui.
- Na molimauina e tupulaga le vaeluaina o tagata i le vaitaimi o le faama'i pipisi i le lalolagi. Na ta'ua e se tasi o molimau le vaai tino i le toasa o tagata talu ai le faamalosi o pepa faamaonia tuipuiipui ma ufi fofoga i totonu o falemai. Na faamatala e le isi le tuueseaa o ia talu ai e le i faia ana tuipuiipui.

O fautuaga nei, na faailoa mai mo tapenapenaga e tali atu ai i isi faama'i pipisi i le lalolagi:

- faamautinoa le malamalama lelei i aafiaga o faama'i pipisi i le lalolagi i aoaoga ma le atunuu.
- saunia faiga talafeagai e lagolagoina tupulaga pe a tupu se mala.
- galulue faatasi ma isi vaega ese e saili vaifofo e aoga mo tupulaga, aua e lē tutusa uma manaoga mai lea vaega i le isi.

Tolauga faitelee: Aso lona fa

Manatu faaalua mai vaega lagolagosua malosi i le saogalemu o tuipuiipui

Na maua le avanoa e faasoa mai ai sui o le The Health Forum New Zealand, Voices for Freedom, ma le New Zealand Doctors Speaking Out with Science.

The Health Forum New Zealand o se faalapotopotoga mo galuega tauofo e faavae i luga o faiga tau atiae e lagolagoina Tagatanuu Niu Sila na faamanu'alia i tuipuiipui COVID-19.

O le Voices for Freedom (VFF) o se faalapotopotoga e faavae i luga o faiga tau atiae na malosi le faailoa o manatu i galuega na faia i Aotearoa Niu Sila e tali atu ai i le faama'i pipisi i le lalolagi.

O le New Zealand Doctors Speaking Out with Science (NZDSOS) o se sosaiete tuufaatasi o tomai faafaigaluegaina tau soifua maloloina na matuai malosi le faailoa o manatu i galuega na faia i Aotearoa Niu Sila e tali atu ai i le faama'i pipisi i le lalolagi.

O itu nei na faasoa mai ai i le Auiliiliga:

- Na tele tagata na popole i le vave na maua o le tuipuiipui Pfizer, faapea le faaogaina o le tekonolosi mRNA i le faiga o le tuipuiipui.
- E le i manino feau ma faasilasilaga mai le Malo i aafiaga o le tuipuiipui ua lalau ai soo se tasi o moni tulaga o popole ai o se tagata fai manatu fouvale.
- Na faigata tele na tuusaunoo nisi mai le faia o tuipuiipui, ma e le i mafai na tuusaunoo le toatele na ilitata tino po o le maua i aafiaga mai le faiga o le tui muamua.

- Ua fesiligia ai ma le faatuatuaaina o le Malo ma faiga faavae tau soifua maloloina ona o faiga na tali atu ai i le faama'i pipisi i le lalolagi.
- O faaiuga na faia e le Malo e tali atu ai i le faama'i pipisi i le lalolagi, na solia ai aiatatau faaletagata toe leai ma se talafeagai ma faiga e tali atu ai i le COVID-19.

O fautuaga nei, na faailoa mai mo tapenapenaga e tali atu ai i isi faama'i pipisi i le lalolagi:

- iloilo isi faiga ma manatu na i lo le taofiofi.
- fai se faatatau i atugaluga faatatau i le vave na maua o le tuipuipui.
- faataga le maua o isi faiga e togafitia ai.

Manatu faaalua i faamatalaga sese faapea le fai mautinoa o faamatalaga e faaseseina ai

Na maua le avanoa e faasoa mai ai le Fighting Against Conspiracy Theories (FACT) Aotearoa.

O le FACT Aotearoa o se vaega o tagata galulue tauofo e tetee malosia i manatu fouvale ma le fai mautinoa o faamatalaga e faaseseina ai tagata i Aotearoa Niu Sila.

O itu nei na faasoa mai ai i le Auiliiliga:

- E tele lagolagosua na saunia e le FACT Aotearoa i le vaitaimi o sasao ai le faama'i i le lalolagi, amata mai le afaigaluega MIQ (faanofoesea) na fetaiai ma solo tetee, faasalalauina o faamatalaga i le initaneti, ma le saunia o punaoa e mafai ai e tagata na faasalavei faamatalaga sese.
- O tulaga na faigofie na talia e tagata i luga o le lē faamasinoina i le talitonu fua i faamatalaga sese.
- Sa iai tulaga na misi i faiga e faasalavei ai faamatalaga sese e faaseseina ai tagata ma manatu fouvale.

O fautuaga nei, na faailoa mai mo tapenapenaga e tali atu ai i isi faama'i pipisi i le lalolagi:

- saunia faamatalaga mo tagata e iloa ma tali atu ai i faamatalaga sese ma le fai mautinoa o faamatalaga sese e faaseseina ai.
- faamautinoa le tali atu i faamatalaga sese e aunoa ma le faamasinoina o tagata ua talitonu i ai.
- galulue ma lotoifale patino ma alagaoa faatuatuaaina e faasalalau faamatalaga sa'o i tagata.

Manatu faaalua mai pulega suesue faasaienisi tuipuipui

Na maua le avanoa e faasoa mai ai Professor Graham Le Gros, sa avea ma faatonu sili o le Malaghan Institute of Medical Research ma le Vaccine Alliance Aotearoa New Zealand – Ohu Kaupare Huaketo (VAANZ).

O le Malaghan Institute of Medical Research o le pulega suesue faameaalofa i mataupu tau saienisi faaletino ma vailaau, aemaise kanesa ma faama'i pipisi.

O le VAANZ o se faiga faapaaga soosoo tauau a le Malaghan Institute, Te Herenga Waka – Victoria University of Wellington, ma Ōtākou Whakaihu Waka – University of Otago. Na faavae i le 2020 e suesue le gafatia na fai i Aotearoa Niu Sila o se tuipuipui COVID-19.

O tulaga nei na faasoa mai ai Professor Le Gros:

- O le tele o punaoa na faamatuu atu na vave ai na maua se tuipuii COVID-19, atoa ai ma le fai faatasi o faataitaiga faafomai na i lo le fai faasolosolo. E faitau afe ma ona tupu tagata na aafia i faataitaiga faafomai ma na saogalemu faiga na fai ai. Na fesoasoani foi le suesueina o le siama na mafua ai le COVID-19 i le faiga o le tuipuii, faapena foi suesuega o le tekonolosi mRNA na faaoga i le tuipuii.
- E masani ai le tupu o aafiaga o se tuipuii, ae seāseā tupu. E le i oo le iloa i aafiaga faaumiumi o le COVID-19 e ono tulai mai, ae e lē fesiligia le saogalemu o le tuipuii COVID-19.

O fautuaga nei, na ia faailoa mai mo tapenapenaga e tali atu ai i isi faama'i pipisi i le lalolagi:

- tausisia le tuu avanoa i faiga faasaienisi faatupu manatu e aunoa ma le afaina o faiga mausali faasaienisi.
- faaauau le mataituina o faiga faavae e iloa ai aafiaga seāseā tupu.
- faamautinoa le faatalanoa muamua e tagata e vaivai puipuiga malosi o le tino ma fomai tulaga uma o tuipuii.
- faavae taupulega i luga o faamaoniga faasaienisi lelei atoatoa na i lo faamatalaga suamalie i le faalogo.

Tolaulauga faitele: Aso lona lima

Manatu faaalua mai matātā faamalosi poloaiga

Na maua le avanoa e faasoa mai ai sui o le Port Companies CEO Group, Hato Hone St John, Autism New Zealand, ma le Hospitality New Zealand.

O le Port Companies CEO Group e potopoto ai taitai ma pule o kamupani o saunia atinae tetele sili ona moomia i le faasoasoina o oloa i Aotearoa Niu Sila.

O le Hato Hone – St John o se faalapopotoga faameaalofa e muai tali atu i tulaga faafuasei ua afaina ai le soifua – saunia taavale falemai ma isi auaunaga fesootai i tulaga tau soifua maloloina i Aotearoa Niu Sila atoa.

O le Autism New Zealand o se auaunaga e maua ai lagolagosua, aoaoga ma faamatalaga mo tagata autistic, aiga, tagata tausima ma tomami faafaigaluega.

O le Hospitality New Zealand o se asosi fefaatauaiga o fai ma sui o le 2,500 ma ona tupu pisinisi talimalo ma apitaga faapisinisi.

O itu nei na faasoa mai ai i le Auiliiliga:

- E moomia le faaopoopo o tapenapenaga mo tagata e iai manaoga faapitoa, talu ai e lē mafai na faatino le tele o auaunaga i faiga faainitaneti. O se vaitaimi vevesi mo tagata autistic ma aiga le faalavelavea o tulaga masani ona o le faama'i pipisi i le lalolagi.

- E ui i aafiaga laiti i tagata faigaluega sili ona moomia e pei o le leai o galuega, na umi se vaitaimi na aafia ai aiga i tulaga nei. Na taua le saunia o fesootaiga manino e faamanatu ai i tagata le taua o le tausisia o le saogalemu ma le manuia.
- Na faamatala e sui kamupani uafu luitau i le lē malamalama o le Matagaluega o Soifua Maloloina i le faatinoga o galuega i le uafu. E mafua foi isi luitau talu ai o se vaega tele o le afaigaluega o tomai faapitoa ma e lē faigofie na saili nisi e faaauauina galuega pe a mama'i i le COVID-19.
- Na manuia taumafaiga a le St John talu ai le lava tapena i le tele o faiga faavae masani. Na maua foi avanoa e maua ai manatu fou mai afaigaluega mai atunuu mamao. O le luitau pito telē le feololo o punaoa na maua faatusa i punaoa na faamatu i falemai.
- Na toatele tagata na faaalu se vaega tele o tupe e patipatia ai le tatala o le uluai vavao. E le i faaluaina lea saafiafiga i le tatala ai o le vavao lona lua na matuai afaina tele ai pisinisi talimalo.
- Na faigata i pisinisi laiti e pei o faleaiga ma falekofe na malamalama ma faatino tulafono uma e tausisia ai poloaiga. O se tulaga matuai faigata tele mo pisinisi. E le i nofonofoai ai le Hospitality New Zealand ma faapena na faagaioi le lagolagosua mo pisinisi ia tausisia tulafono a le Malo.

O fautuaga nei, na faailoa mai mo tapenapenaga e tali atu ai i isi faama'i pipisi i le lalolagi:

- e tatau i le Malo na galulue faatasi ma vaega eseese e tapena ma saunia taiala manino ma le lagolagosua.
- faamautinoa o lava ma totoe PPE o faaoga i Niu Sila e pei o ufi fofoga ma faigofie auala o tufa ai i tagata e sili ona moomia.
- faamautinoa le ogatusa o faiga faavae aoao tau soifua maloloina i le tapenapenaina ma le tali atu i faama'i pipisi i le lalolagi.
- faatulaga vaitaimi e fai ai faataitaiga i faiga e tali atu ai i faama'i pipisi i le lalolagi.
- tapenapena mamao lagolagosua e auala atu i le initaneti ma auai tino ai e ono moomia e tagata e iai manaoga faapitoa a o sasao se faama'i pipisi i le lalolagi.

Manatu faaalila mai tausimai ma faatosaga

Na maua le avanoa e faasoa mai ai sui o le Tōpūtanga Tapuhi Kaitiaki o Aotearoa – New Zealand Nurses Organisation ma le Te Kāreti o ngā Kaiwhakawhānau ki Aotearoa – New Zealand College of Midwives.

O le Tōpūtanga Tapuhi Kaitiaki o Aotearoa – New Zealand Nurses Organisation o se iuni o tomai faatausimai i Aotearoa Niu Sila.

O le Te Kāreti o ngā Kaiwhakawhānau ki Aotearoa – New Zealand College of Midwives o se faalapotopotoga tomai faaigaluega e fai ma sui o faatosaga ma tamaiti aoga faatosaga i Aotearoa Niu Sila.

O itu nei na faasoa mai ai i le Auiliiliga:

- E fai foi le feagai o tausimai ma luitau i le aiga e puipuia ai mai le COVID-19 ae sa faigata foi na faatino galuega ma tausiga ona e le i sauni le matātā mo se faama'i pipisi i le lalolagi. Na atili foi le faapopoleina i tulaga na vaaia i le toatele naua o tagata na maliliu i atunuu mamao.
- Na faigata le tauaveina o mau galuega, ma le feagai ai ma popolega o aiga i mea ane ua pesia i le COVID-19 ona o galuega o latou faatinoa.
- O le vaai i ai a tausimai atonu sa tatau na faaaoga le vaietimi na tau to'a ai le sasao o le faama'i e sauni ai mo le vaietimi mulimuli na toe sasao ai.
- O le manatu i ai a tausimai e le i amanaia o latou manatu ma aafiaga e le Malo i taupulega sa fai.
- Na tele na galo tagata faamamā fale, au leoleo, ma tausimea o nofoaga o faia ai tausiga faalesoifua maloloina i le vaietimi o faatino ai faiga e tali atu ai i le faama'i.
- Na lagolagoina e faatosaga tuipuipui, ae na faalotolotolua i poloaiga talu ai se popolega i le lē maua e fafine ma'itaga o tausiga lelei ona sa iai faatosaga e le i mananao e fai tuipuipui. Talu ai e lē mafai na tolopo galuega faatosaga, na iai se popolega i tulaga e telē ai le afaina pe a lē maua se faatosaga faatusa i le faafaigaluega o faatosaga e le i faia tuipuipui, ae fai ufi fofoga ma isi faiga patino e puipuia ai.
- Na ioeina e faatosaga le faia o vavao e puipuia ai faatosaga ma tagata mai le pesia i le COVID-19 i luga lava o le moomia na auai tino e faatino galuega.

O fautuaga nei, na faailoa mai mo tapenapenaga e tali atu ai i isi faama'i pipisi i le lalolagi:

- faavae se Centre for Disease Control i totonu o Niu Sila.
- faamautinoa le aafia o tausimai Māori ma tausimai Pasifika i le atinaega o fuafuaga e tali atu ai i se faama'i pipisi i le lalolagi ma lagolagoina lo latou faatautaia o tagata i tulaga faapenei.
- faaopoopo fesoasoani tupe e lava tapena ai matātā tau soifua maloloina.
- o tulaga foi e faaaoga ai poloaiga, ia faasili faiga e sauni ai mo le faafaigaluegaina o aufaigaluega e le i faia tuipuipui mo le toe foi i galuega po o le fetuunai o faiga e faataga ai na fai puipuiga patino na i lo le fai o tuipuipui.
- fesootai vave ma faatosaga, e aafia ai auaunaga Māori.

Manatu faaalii tomāi suesue e tusa ai ma poloaiga

Na maua le avanoa e faasoa mai Professor Michael Plank mai Te Whare Wānanga o Waitaha – University of Canterbury ma Professor Denise Wilson mai Te Wānanga Aronui o Tāmaki Makau Rau – Auckland University of Technology.

O Professor Plank o se tasi o tomāi suesue aoaoga faamatematika ma faafuainumera e faaaoga matematika e malamalama ai i gaioiga o le tino ma faama'i pipisi (suesuega faaleaoaoga i vaietimi e tupu ai faama'i i vaega eseese ma mafuaaga).

Na amata galue faatausimai Professor Wilson a o le i avea ma tomāi suesue tulaga tau soifua maloloina, ma na patino lava i taunuuga tau soifua maloloina ma agafesootai mo Māori. Sa ia faatautaia se suesuega i aafiaga o poloaiga i le matātā tau soifua maloloina.

O tulaga nei na faasoa mai ai Professor Plank:

- Na tulaia ana galuega i faataitaiga faatusatusa, e malamalama ai i auala e pipisi ai faama'i ma aafiaga e ono aliae.
- O faataitaiga faatusatusa nei na maua ai e le Malo se malamalamaaga i mea e ono tutupu ma sa faalagolago i auala e pulea ai le faama'i pipisi i le lalolagi.
- Na faaalua i se tasi o faataitaiga faatusatusa le 6,500 ma ona tupu tagata e le faia tuipuipei e maliliu ma le 45,000 ma ona tupu e taofia i le falemai. O le isi faatusatusaga na faaalua ai le maualalo o le aofai o tagata maliliu (aofaiga o tagata maliliu faatusa i le toatele na mafaufauina e maliliu) i le vaitaimiti na pulea ai le COVID-19.

O tulaga nei na faasoa mai ai Professor Wilson:

- O le tasi o itu o ana suesuega i poloaiga le faatalanoa o tagata i tulaga na aafia ai i poloaiga. Na toatele tagata e le i fia auai i lana suesuega i mea ane ua faamasinoina pe faatiga ai foi, na molimauina i faatalanoaga na fai le mafatia tele.
- Na talia e le toatele tuipuipei ae na matuai afaina tele i poloaiga, i tulaga masani ua leai ai ni galuega po o le faailoga o i latou o tagata 'faatautee i tuipuipei' (tagata e malosi manatu faatautee i tuipuipei ma e leai se mafuaaga tatau mo lea tulaga) ma ua faiesea ai mai tulaga masani.
- O le toatele na manino mafuaaga o le lē faia o tuipuipei, e pei o tulaga na ilitata ai le tino i se tuipuipei na fai muamua.

O fautuaga nei, na faailoa mai mo tapenapenaga e tali atu ai i isi faama'i pipisi i le lalolagi:

Professor Plank:

- faafaigaluega punaoa ma tupe i faataitaiga faatusatusa e mautinoa ai le malamalama atoatoa i tulaga e ono tutupu, ma le siitia o le malamalama i tulaga e gafatia ma tulaga e lē oo i ai taumafaiga mai faataitaiga faatusatusa.
- faamautinoa le sa'o ma le ogatusa o faiga e fai ai tuipuipei.

Professor Wilson:

- saunia poloaiga i se faiga e tausi ai le filemu faapea faiga e gafatia na fetuunai.
- iloilo tulaga e mafai ai na faafaigaluega tagata e le i faia tuipuipei i isi vaega o galuega, ma faamautinoa le iai o se fuafuaga manino mo le toe foi mai i galuega masani pe a tatala se poloaiga.

Manatu faaalua i fesootaiga patino i tuipuipei

Na maua le avanoa e faasoa mai ai le Associate Professor Helen Petousis-Harris from Waipapa Taumata Rau – University of Auckland.

E patino le tomaiti a le Associate Professor Petousis-Harris i tulaga faafomai ma tulaga faasaaienisi tau soifua maloloina e patino lava i tuipuipei.

Na saunoa Professor Petousis-Harris:

- O se metotia aoga tele le fai o tuipuipui. E puipuia le afaina ai o tagata ma le atunuu atoa. E toalaiti ai foi tagata e taofia i le falemai, ma gafatia ai e falemai na faatino galuega.
- E le i oo Aotearoa Niu Sila i tulaga na aafia ai isi atunuu i le toatele o tagata maliliu i le COVID-19 faapea isi aafiaga o le faama'i. Na ese tulaga na tatou aafia ai, e pei o le leai o galuega i le vaitaimi o vavao.
- E moomia na iloa e tagata tulaga tonu e tatau ai na fai se tuipuipui faapea aoga ma aafiaga. E avea foi ma tulaga faigata, talu ai le fesuisuia'i o tulaga e moomia na faailoa.
- Sa moomia na faatuatuaina le Malo e tagata a o le i tupu se faama'i pipisi i le lalolagi e lē fesiligia ai e tagata fautuaga a le malo e fai ai tuipuipui.

O fautuaga nei, na faailoa mai mo tapenapenaga e tali atu ai i isi faama'i pipisi i le lalolagi:

- faamautinoa le malamalama o tagata i le faiga o tuipuipui a o le i tupu se mala, e aofia ai le maua o faamatalaga mai tomai faapitoa.
- faatupu avanoa e fesootai lelei ai ma tagata uma ma tuu avanoa i taimi uma i tagata e faaali manatu.
- taumafai e malamalama i le mumusu ai o tagata e fai tuipuipui ma le faapogai o lea tulaga.
- saunia fesootaiga lelei e tali atu ai i fesili uma – o se vaega autu e faatuatuaina ai faiga e tali atu ai i se faama'i pipisi i le lalolagi.

Laasaga o faamoemoe atu i ai le Auiliiliga

O le a faagasolo pea le faamaopoopo o faamatalaga e fesoasoani i le toe iloiloina o mataupu ua faataatia atu i tulaga o aiaiga. O faamatalaga e maua mai faatalatalanoaga faapea sui autu fai taupulega ma sui faufautua, faamatalaga tusia mai le Malo ma isi alagaoa, faapea feiloaiga ma vaega ma faalapopotoga na aafia i le faama'i pipisi i le lalolagi.

E faaoga faamatalaga na faamaopoopo, e faavae i ai se lipoti. E aofia i le lipoti mataupu o faamauiina i le faatulagana o aiaiga ma fautuaga i le Malo i auala e sauni ai mo isi faama'i pipisi i le lalolagi. E iloilo faatasi faamatalaga uma na maua i le Auiliiliga e faavae i ai le lipoti.

E iai faiga faavae e faamaonia ai le amiotonu ma le moni o le lipoti. O se tulaga faatulafonoina e mafai ai e soo se tasi ua faamatalaina i le Auiliiliga o se manatu tetee (na faitioina gaioiga po o faaiuga) na faitau i le lipoti ma tuu avanoa i ai mo se tali a o le i aloaiaina le lipoti.

E aloaia ma tuuina atu le lipoti i le Kovana Sili i le aso 26 Fepuari 2026. E tuu atu i le Malo le faitalia e faasalalau ai le lipoti i le mamalu o le atunuu ma faatino fautuaga ua faia i le Auiliiliga.